

ხელშეკრულება # APMAM-----
ბენეფიციარის თანადაფინანსების შესახებ

ქ. თბილისი

----- 2019 წ.

ერთის მხრივ, ა(ა)იპ „სოფლის მეურნეობის პროექტების მართვის სააგენტო“ (ს/კ 404923785), რომლის იურიდიული მისამართია მარშალ გელოვანის N 6, თბილისი, 0159, საქართველო, ხოლო ფაქტობრივი მისამართი – ახმეტელის გამზ 10ა, თბილისი, 0159, საქართველო, წარმოდგენილი დირექტორის მოადგილის ----- სახით და

მეორეს მხრივ, ----- (ს/კ -----) მის: -----

ვინაიდან ა(ა)იპ „სოფლის მეურნეობის პროექტების მართვის სააგენტოს“ ახორციელებს საქართველოს მთავრობის 2019 წლის -- მარტის N--- დადგენილებით დამტკიცებულ „სასოფლო-სამეურნეო ტექნიკის თანადაფინანსების სახელმწიფო პროგრამას“ (შემდგომში „პროგრამა“);

ვინაიდან პროგრამის ერთ-ერთი განმახორციელებელია ა(ა)იპ „სოფლის მეურნეობის პროექტების მართვის სააგენტო“;

თითოეული წოდებული მხარედ, ხოლო ერთობლივად მხარეები, ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

ტერმინთა განმარტება:

- სააგენტო** ა(ა)იპ „სოფლის მეურნეობის პროექტების მართვის სააგენტო“ (ს/კ 404923785) მისი ყველა უფლებამონაცვლე და სამართალმემკვიდრე;
- ბენეფიციარი** ----- (ს/კ -----) მისი ყველა უფლებამონაცვლე და სამართალმემკვიდრე;
- ხელშეკრულების მხარე** ბენეფიციარი ან სააგენტო;
- ხელშეკრულების მხარეები** ბენეფიციარი და სააგენტო ერთად;
- თანადაფინანსება** სააგენტოს მიერ პროგრამის ფარგლებში ბენეფიციარისთვის წინამდებარე ხელშეკრულების პირობების გათვალისწინებით გადახდილი მიზნობრივი თანხები;

ტრანში	წინამდებარე ხელშეკრულების ფარგლებში გაცემული მიზნობრივი თანადაფინანსება სრულად ან თანადაფინანსების საერთო მოცულობის ნაწილი;
პროგრამა	სასოფლო-სამეურნეო ტექნიკის თანადაფინანსების სახელმწიფო პროგრამა
პროექტი	წინამდებარე ხელშეკრულების დანართში #1 მოცემული სასოფლო-სამეურნეო ტექნიკის შესყიდვის პროექტი;
კონფიდენციალური ინფორმაცია	ერთ-ერთი მხარის მიერ მეორე მხარის შესახებ მიღებული, დამუშავებული, შექმნილი ან/და გაგზავნილი ნებისმიერი ინფორმაცია/დოკუმენტაცია.
დანართი #1	სასოფლო-სამეურნეო ტექნიკის შესყიდვის პროექტი;
დანართი #2	თანადაფინანსების (ტრანშების) გაცემის წინაპირობები და მიზნობრივად ხარჯვის დადასტურება;

1. ხელშეკრულების საგანი

ხელშეკრულების საგანს წარმოადგენს სააგენტოს მიერ ბენეფიციარისთვის დანართით #1 გათვალისწინებული სასოფლო-სამეურნეო ტექნიკის შესასყიდად საჭირო ფულადი სახსრების საერთო მოცულობის ნაწილის ----- (-----) ლარით თანადაფინანსება ხელშეკრულებითა და პროგრამით განსაზღვრული პირობების შესაბამისად.

2. მხარეთა უფლებები და ვალდებულებები

2.1. ბენეფიციარი უფლებამოსილია:

2.1.1 მოითხოვოს თანადაფინანსების მიღება ხელშეკრულების გაფორმებიდან არაუგვიანეს 10 (ათი) სამუშაო დღის ვადაში ხელშეკრულების დანართი #2 - ის მე- 2 მუხლისა და პროგრამის პირობების შესაბამისად.

2.2. ბენეფიციარი ვალდებულია:

2.2.1 ხელშეკრულებით გათვალისწინებულ ვადებში უზრუნველყოს დანართით #1 განსაზღვრული სასოფლო-სამეურნეო ტექნიკის შესყიდვა;

2.2.2 განახორციელოს ტრანშების ათვისება ხელშეკრულების დანართით #2 განსაზღვრული პირობების მიხედვით;

2.2.3 ხელშეკრულების გაფორმების შემდგომ, სასოფლო-სამეურნეო ტექნიკის შესასყიდად საჭირო საკუთარი/მოზიდული ფულადი სახსრები გადარიცხოს სააგენტოში წარდგენილ ინვოისებში მითითებულ მიმწოდებლის საბანკო ანგარიშზე და წარმოადგინოს სააგენტოში ბანკის მიერ დამოწმებული საგადახდო დავალება ან/და შემოსავლის ორდერი დანართის #2 შესაბამისად, მაგრამ არანაკლებ სააგენტოში წარდგენილ

ინვოისებში მითითებული ჯამური თანხის 50 % (ორმოცდაათი პროცენტი). გარდა იმ შემთხვევისა, როდესაც ბენეფიციარის თანამონაწილეობის წყაროს წარმოადგენს ლიზინგი.

- 2.2.4 ლიზინგის შემთხვევაში წარმოადგინოს სალიზინგო კომპანიასთან გაფორმებული ხელშეკრულება დანართი #1-ით გათვალისწინებული სასოფლო-სამეურნეო ტექნიკის ლიზინგით გადაცემის შესახებ;
- 2.2.5 ბენეფიციარის საბანკო ანგარიშზე სააგენტოს მიერ თანხის ჩარიცხვის შემდგომ, სააგენტოში 10 (ათი) სამუშაო დღის ვადაში წარადგინოს ბანკის მიერ დამოწმებული საგადახდო დავალება ან/და შემოსავლის ორდერი, წარდგენილი ინვოისით გათვალისწინებულ მომწოდებლის საბანკო ან/და სალიზინგო კომპანიის ანგარიშ(ებ)ზე თანხის გადარიცხვის დასადასტურებლად;
- 2.2.6 მოახდინოს დანართით #1 განსაზღვრული ძირითადი საშუალებების შეძენის დადასტურდება სასაქონლო ზედნადებით ან/და განბაჟების დამადასტურებელი დოკუმენტით (ტექნიკის იმპორტის შემთხვევაში), რომელიც გაფორმებული იქნება ბენეფიციარის სახელზე, გარდა სასოფლო-სამეურნეო ტექნიკის ლიზინგით შეძენისას;
- 2.2.7 უზრუნველყოს საველე/დოკუმენტური მონიტორინგის განხორციელებისთვის საჭირო პირობების შექმნა;
- 2.2.8 სააგენტოს მოთხოვნის შემთხვევაში, წარადგინოს ნებისმიერი ინფორმაცია/დოკუმენტაცია, რაც დაკავშირებულია სააგენტოს თანადაფინანსებასთან ან/და ხელშეკრულებით ნაკისრი ვალდებულებების შესრულებასთან მოთხოვნიდან 10 (ათი) სამუშაო დღის ვადაში ან სააგენტოს მიერ განსაზღვრულ სხვა ვადაში;
- 2.2.9 ხელშეკრულების დანართით #1 განსაზღვრული სასოფლო-სამეურნეო ტექნიკის ღირებულების გაზრდის შემთხვევაში, საკუთარი სახსრებით უზრუნველყოს სხვაობის გადახდა, ხელშეკრულებისა და პროგრამის პირობების შესაბამისად.
- 2.2.10 თუ შემცირდება ხელშეკრულების დანართით #1 განსაზღვრული სასოფლო-სამეურნეო ტექნიკის ღირებულება, უზრუნველყოს სააგენტოსგან მიღებული თანადაფინანსების თანხის შემცირებული ოდენობის დაბრუნება და წარმოადგინოს ბანკის მიერ დამოწმებული საგადახდო დავალება ან/და შემოსავლის ორდერი, სააგენტოს თანადაფინანსების მიზნობრივად გადარიცხვის თარიღიდან 10 (ათი) სამუშაო დღის ვადაში;
- 2.2.11 დანართით #1 განსაზღვრული სასოფლო-სამეურნეო ტექნიკის შესყიდვის დასადასტურებლად, ბენეფიციარმა სააგენტოში უნდა წარადგინოს პირველი ტრანშის მიღებიდან არაუგვიანეს 3 (სამი) თვის ვადაში სსიპ „ბუღალტრული აღრიცხვის, ანგარიშგებისა და აუდიტის ზედამხედველობის სამსახურის“ მიერ წარმოებულ რეესტრში არსებული პირის საექსპერტო/აუდიტორული დასკვნა დანართით #1 გათვალისწინებული პროექტის საინვესტიციო ღირებულების თანხების (ბენეფიციარის თანამონაწილეობა და სააგენტოს თანადაფინანსება) მიზნობრივად ხარჯვასთან და მიზნობრიობის შესრულებასთან დაკავშირებით, რომელშიც აღწერილი უნდა იყოს დასკვნის მომზადების მეთოდოლოგია და თან უნდა ახლდეს დასკვნის მომზადებისთვის გამოყენებული ხარჯვის დამადასტურებელი დოკუმენტაციის ასლ(ებ)ი (მათ შორის სასოფლო-სამეურნეო ტექნიკის რეგისტრაციის მოწმობა, ასეთის არსებობის შემთხვევაში). ლიზინგის შემთხვევაში სასოფლო-სამეურნეო ტექნიკის სარგებლობაში გადაცემის დამადასტურებელი მიღება-ჩაბარების აქტი.

2.2.12 პროგრამის ფარგლებში შეძენილი სასოფლო-სამეურნეო ტექნიკა (რომელიც არის იდენტიფიცირებადი და ენიჭება სატრანსპორტო საშუალების იდენტიფიცირების სახელმწიფო ნომერი გაცემული სსიპ „საქართველოს შინაგან საქმეთა სამინისტროს მომსახურების სააგენტოს“ მიერ) დააგირავოს სააგენტოს სასარგებლოდ 5 (ხუთი) წლის ვადით გირავნობა უნდა განხორციელდეს ტრანშის გაცემიდან არაუგვიანეს 4 (ოთხი) თვის ვადაში. ამასთან, სააგენტოს გირავნობა შესაძლოა იყოს რიგით მეორე მხოლოდ იმ შემთხვევაში თუ სასოფლო-სამეურნეო ტექნიკის შესაძენად ბენეფიციარის თანამონაწილეობის წყაროს წარმოადგენს საფინანსო ინსტიტუტის მიერ გაცემული კრედიტი და ამ კრედიტის უზრუნველსაყოფად საფინანსო ინსტიტუტი არის პირველი რიგის მოგირავნე. სასოფლო-სამეურნეო ტექნიკის დაგირავებას სააგენტო არ განახორციელებს მხოლოდ იმ შემთხვევაში, თუ სასოფლო-სამეურნეო ტექნიკის შესაძენად ბენეფიციარის თანამონაწილეობის წყაროს წარმოადგენს ლიზინგი, ამასთანავე თუ ტრანშის გაცემიდან 5 (ხუთი) წლის განმავლობაში მოახდენს სალიზინგო კომპანიისაგან სასოფლო-სამეურნეო ტექნიკის გადმოფორმებას, დააგირავოს სააგენტოს სასარგებლოდ გადმოფორმებიდან 5 (ხუთი) წლის ვადის გასვლამდე დარჩენილ პერიოდზე. სააგენტოს თანხმობის გარეშე არ განახორციელოს ხელშეკრულების დანართით #1 გათვალისწინებული სასოფლო-სამეურნეო ტექნიკის ნებისმიერი სახით გასხვისება შესყიდვიდან 5 წლის განმავლობაში.

2.2.13 პროგრამის ფარგლებში შეძენილი სასოფლო-სამეურნეო ტექნიკა შეძენიდან 5 (ხუთი) წლის განმავლობაში არ უნდა გაიყვანოს საქართველოს ტერიტორიიდან. .

2.2.14 დაიცვას ხელშეკრულებითა და პროგრამით გათვალისწინებული პირობები.

2.3. სააგენტო უფლებამოსილია:

2.3.1 ნებისმიერ დროს, წინასწარი შეტყობინების გარეშე, განახორციელოს ხელშეკრულების დანართით #1 განსაზღვრული სასოფლო-სამეურნეო ტექნიკის შესასყიდად განსაზღვრული თანხების (თანამონაწილეობისა და თანადაფინანსების თანხა) ხარჯვის და ხელშეკრულებით ნაკისრი ვალდებულებების შესრულების მონიტორინგი პირადად, ან დამოუკიდებელი სპეციალისტის/ექსპერტის/აუდიტორის მეშვეობით, რაც მოიცავს მაგრამ არ შემოიფარგლება ბენეფიციარის საქმიანობის ადგილზე შეძენილი სასოფლო-სამეურნეო ტექნიკის შემოწმებითა ან/და დოკუმენტური მონიტორინგით;

2.3.2 მოსთხოვოს ბენეფიციარს ნებისმიერი ინფორმაციის/დოკუმენტაციის წარმოდგენა, რაც დაკავშირებულია სააგენტოს თანადაფინანსებასთან ან/და ხელშეკრულებით ნაკისრი ვალდებულებების შესრულებასთან;

2.3.3 ბენეფიციარის მიერ ხელშეკრულების 2.2 პუნქტით განსაზღვრული ვალდებულებების შეუსრულებლობის შემთხვევაში მოსთხოვოს ბენეფიციარს პირგასამტეხლო ხელშეკრულების მე-3 მუხლის შესაბამისად ან/და შეწყვიტოს ხელშეკრულება.

2.4. სააგენტო ვალდებულია:

2.4.1. გასცეს თანადაფინანსება ხელშეკრულებისა და პროგრამის პირობების შესაბამისად.

3. ბენეფიციარის პასუხისმგებლობა და ხელშეკრულების შეწყვეტა

3.1 თუ ბენეფიციარი დაარღვევს ხელშეკრულების 2.2 პუნქტის 2.2.6; 2.2.8; 2.2.10; 2.2.11; ქვეპუნქტებით განსაზღვრულ ვალდებულებებს, სააგენტო უფლებამოსილია დააკისროს ბენეფიციარს პირგასამტეხლოს გადახდა თანადაფინანსების თანხის 3% (სამი) პროცენტის ოდენობით. ამასთან, იმ შემთხვევაში, თუ ბენეფიციარი შეტყობინების მიღებიდან 10 (ათი) სამუშაო დღის ვადაში არ უზრუნველყოფს წინამდებარე პუნქტით გათვალისწინებულ

პირგასამტეხლოს გადახდას და ხელშეკრულების 2.2 პუნქტის 2.2.6; 2.2.8; 2.2.10; 2.2.11 ქვეპუნქტებით გათვალისწინებული ვალდებულებების შესრულებას, სააგენტო უფლებამოსილია შეწყვიტოს ხელშეკრულება და დააკისროს ბენეფიციარს მიღებული თანადაფინანსების სრული თანხის უკან დაბრუნება (პირგასამტეხლოს სახით).

3.2 თუ ბენეფიციარი დაარღვევს ხელშეკრულების 2.2. პუნქტის 2.2.7; 2.2.12 და 2.2.13 ქვეპუნქტებით განსაზღვრულ ვალდებულებას, სააგენტო უფლებამოსილია შეწყვიტოს ხელშეკრულება და დააკისროს ბენეფიციარს მიღებული თანადაფინანსების სრული თანხას უკან დაბრუნება (პირგასამტეხლოს სახით).

3.3 თუ ბენეფიციარი დაარღვევს ხელშეკრულების 2.2 პუნქტის 2.2.5 ქვეპუნქტით განსაზღვრულ ვალდებულებას, სააგენტო უფლებამოსილია ბენეფიციარს აღნიშნული ქვეპუნქტებით გათვალისწინებული დოკუმენტაციის წარმოსადგენად განუსაზღვროს დამატებით 10 სამუშაო დღის ვადა და დააკისროს ჯარიმა 50 (ორმოცდაათი) ლარის ოდენობით. სააგენტოს მიერ განსაზღვრულ დამატებით ვადაში დოკუმენტაციის წარმოუდგენლობის შემთხვევაში, სააგენტო უფლებამოსილია შეწყვიტოს ხელშეკრულება და ბენეფიციარს დააკისროს პირგასამტეხლო, რომლის ოდენობა შეადგენს მიღებული თანადაფინანსების თანხასა და დოკუმენტაციის წარმოუდგენლობის გამო დაკისრებულ ჯარიმას;

3.4 სახელშეკრულებო ვალდებულებების შეუსრულებლობის გამო ხელშეკრულების შეწყვეტის თაობაზე შეტყობინების მიღებიდან 10 (ათი) სამუშაო დღის ვადაში ბენეფიციარი ვალდებულია გადაუხადოს სააგენტოს დაკისრებული თანადაფინანსების თანხა სრულად (პირგასამტეხლოს სახით), თუ ბენეფიციარი მითითებულ ვადაში არ გადაუხდის სააგენტოს თანადაფინანსების თანხას სრულად (პირგასამტეხლოს სახით) , სააგენტო უფლებამოსილია დამატებით დაარიცხოს ბენეფიციარს პირგასამტეხლო დასაბრუნებელი თანადაფინანსების თანხის 0.1% ოდენობით ყოველ ვადაგადაცილებულ დღეზე.

3.5 ხელშეკრულება შეიძლება შეწყდეს:

3.5.1 ხელშეკრულების მოქმედების ვადის გასვლის შემთხვევაში;

3.5.2 ვადამდე, ნებისმიერი მიზეზით, მხარეების მიერ შეთანხმების შემთხვევაში;

3.5.3 ბენეფიციარის მიერ ვალდებულებების შეუსრულებლობის შემთხვევაში;

3.5.4 დანართით #2 განსაზღვრული ტრანშ(ებ)ის 10 (ათი) სამუშაო დღის ვადაში არ მოთხოვნის შემთხვევაში;

3.5.5 კანონმდებლობით გათვალისწინებულ სხვა შემთხვევებში;

3.6 ხელშეკრულების შეწყვეტის შემთხვევაში ბენეფიციარი არ თავისუფლდება ხელშეკრულებიდან გამომდინარე ვალდებულებების შესრულებისაგან;

3.7 სააგენტოს მიერ ხელშეკრულების შეწყვეტის შემთხვევაში, სააგენტოს არ წარმოეშობა რაიმე ვალდებულებები ბენეფიციარის მიმართ.

3.8 თუ ბენეფიციარს დაკისრებული აქვს პირგასამტეხლო, სააგენტოს მიერ არ განხორციელდება ბენეფიციარისთვის თანადაფინანსების თანხის გაცემა მანამ, სანამ არ მოხდება დაკისრებული პირგასამტეხლოს სრულად გადახდა.

4. კონფიდენციალური ინფორმაცია

4.1 მხარე ვალდებულია, როგორც ხელშეკრულების მოქმედების ვადაში, ასევე სახელშეკრულებო ურთიერთობის დასრულების შემდეგ, არ გაამჟღავნოს ან/და მესამე პირ(ებ)ს არ გადასცეს კონფიდენციალური ინფორმაცია მეორე მხარის წინასწარი წერილობითი თანხმობის გარეშე;

4.2 კონფიდენციალურ ინფორმაციას არ განეკუთვნება: (ა) სახელმწიფო/საჯარო უწყებებისთვის მიწოდებული ინფორმაცია ან ინფორმაცია რომელიც კანონმდებლობის საფუძველზე

არის/გახდება საჯარო; (ბ) ინფორმაცია, რომლის გამჟღავნების თაობაზეც არსებობს კონფიდენციალური ინფორმაციის მესაკუთრე მხარის წინასწარი წერილობითი თანხმობა ან/და მხარეთა ხელშეკრულება; (გ) ინფორმაცია, რომლის გამჟღავნებაც განხორციელდება კანონმდებლობით გათვალისწინებულ შემთხვევებში, მათ შორის მესამე პირ(ებ)ის კანონიერი მოთხოვნის დაკმაყოფილების შედეგად;

4.3 სააგენტოს აქვს უფლება გამოიყენოს ბენეფიციარის შესახებ ინფორმაცია სარეკლამო მასალებში, მარკეტინგული ან სხვა საინფორმაციო მიზნებისთვის, საკუთარი შეხედულებისამებრ, ბენეფიციარის თანხმობის გარეშე, ასევე გამოაქვეყნოს ინფორმაცია სააგენტოს კუთვნილ ვებ გვერდზე www.apma.ge.

5. ფორს-მაჟორი

5.1 მხარეები დროებით თავისუფლდებიან ხელშეკრულებით დადგენილი ვალდებულებების შესრულებისაგან ფორს-მაჟორული გარემოებების არსებობის შემთხვევაში.

5.2 ამ ხელშეკრულების მიზნებისთვის, ფორს-მაჟორული გარემოებები წარმოადგენს ნებისმიერი გათვალისწინებელი გარემოება ან მოვლენა, რომელიც სცდება მხარეთა გონივრულ კონტროლს და რომლის დადგომაც შეუძლებელს ხდის ხელშეკრულების მთლიანად ან ნაწილობრივ შესრულებას. ამგვარი გარემოებები და მოვლენები მოიცავს, თუმცა არ შემოიფარგლება, სტიქიური უბედურებებით, საყოველთაო გაფიცვებით, საბოტაჟით ან სხვა სახის სამოქალაქო მღელვარებით ან არეულობით, ომით (მიუხედავად იმისა გამოცხადებულია იგი თუ არა), ან სხვა სამხედრო, ტერორისტული ან პარტიზანული ქმედებებით, ბლოკადით, აჯანყებებით, მიწისძვრით, წყალდიდობით, მეწყრით, ზვავით ან სხვა მოვლენით, რომელიც არ ექვემდებარება მხარის გონივრულ კონტროლს და რომლის თავიდან აცილებაც მხარეს, ყველა გონივრული და შესაძლო ზომების მიღების მიუხედავად, არ შეუძლია. ამასთან ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას.

5.3 მხარე, რომელიც ვერ ასრულებს ხელშეკრულებით დადგენილ უფლება-მოვალეობებს ფორს-მაჟორული გარემოებების გამო, ვალდებულია აცნობოს მეორე მხარეს ფორს-მაჟორული გარემოებების დადგომის და შეწყვეტის თაობაზე შეძლებისდაგვარად მოკლე ვადებში, მაგრამ არაუგვიანეს ასეთი გარემოებების წარმოშობიდან 10 (ათი) დღისა. თუ მხარე არღვევს ამ ვადას, იგი ვალდებულია წარმოადგინოს დასაბუთებული ინფორმაცია ვალდებულების შეუსრულებლობის შესახებ, წინააღმდეგ შემთხვევაში იგი კარგავს უფლებას მიუთითოს აღნიშნულ გარემოებებზე. შეტყობინებაში მითითებული უნდა იყოს გარემოებების და/ან მოვლენების აღწერა და მათი ზეგავლენა ამ მხარის მიერ ხელშეკრულებით დადგენილი ვალდებულებების შესრულებაზე, ისევე როგორც ასეთი ვალდებულებების შესრულების გადავადების სავარაუდო თარიღი.

5.4 ფორს-მაჟორული გარემოებების არსებობისას და მათი დადასტურების შემთხვევაში, მხარეების მიერ ვალდებულებების შესრულების ვადები პროპორციულად გადაიწვეს ფორს-მაჟორული გარემოებების და/ან მოვლენების ხანგრძლივობის ვადით, ან სხვა ვადით რაზეც მხარეები დამატებით შეთანხმდებიან.

6. ინფორმაციის გაცვლის წესი

6.1 წინამდებარე ხელშეკრულების მიზნებისათვის, ბენეფიციარს ინფორმაცია მიეწოდება, ფოსტით ან კურიერის მეშვეობით წერილობითი კომუნიკაციის შემთხვევაში - და სატელეფონო შეტყობინების გზით;

- 6.2 ფოსტით ან კურიერის მეშვეობით ინფორმაციის მიწოდების ფაქტი დასტურდება ბენეფიციარის მისი ოჯახის წევრის მიერ ინფორმაციის (გზავნილის) მიღების შესახებ შესაბამის დოკუმენტზე ხელმოწერით.
- 6.3 იმ შემთხვევაში, თუ ბენეფიციარი უარს აცხადებს ფოსტით ან კურიერის მეშვეობით მიწოდებული ინფორმაციის (გზავნილის) მიღებაზე, კეთდება შესაბამისი ჩანაწერი და ინფორმაცია (გზავნილი) ითვლება ჩაბარებულად.
- 6.4 იმ შემთხვევაში, თუ ბენეფიციარი არ აღმოჩნდება წინამდებარე ხელშეკრულებაში მითითებულ მისამართზე და ვერ მოხერხდება ინფორმაციის (გზავნილის) ჩაბარება, სააგენტო თავისუფლდება ხელმეორედ სცადოს ინფორმაციის (გზავნილის) მიმღებისათვის ჩაბარება, ასეთ შემთხვევაში ინფორმაცია (გზავნილი) ითვლება ჩაბარებულად..

7. სხვა პირობები

- 7.1 წინამდებარე ხელშეკრულება არის უპირატესი ძალის მქონე მხარეებს შორის მის ხელმოწერამდე არსებულ ნებისმიერ ხელშეკრულებასა და მიმოწერასთან (მათ შორის ელექტრონული) მიმართებაში. შეტყობინება უნდა განხორციელდეს წერილობითი ფორმით. შეტყობინება მხარეებს უნდა მიეწოდოს კურიერის ან დაზღვეული წერილის მეშვეობით ხელშეკრულებაში მითითებულ მისამართზე;
- 7.2 ინფორმაცია პროგრამის ფარგლებში ბენეფიციარის თანადაფინანსების თაობაზე საჯაროა;
- 7.3 ბენეფიციარი აცხადებს თანხმობას, რომ სააგენტომ შეუზღუდავად, ნებისმიერ დროს მოიძიოს, მიიღოს და/ან დაამუშავოს ბენეფიციარის შესახებ ნებისმიერი ინფორმაცია (მათ შორის პერსონალური მონაცემი);
- 7.4 წინამდებარე ხელშეკრულება ვრცელდება მხარეთა სამართალმემკვიდრეებზე და უფლებამონაცვლეებზე, მაგრამ ბენეფიციარს სააგენტოს თანხმობის გარეშე არ აქვს უფლება გადასცეს მესამე პირს მასზე დაკისრებული ნებისმიერი ვალდებულება ან მინიჭებული უფლება;
- 7.5 ხელშეკრულების ერთ-ერთი მხარის მიერ ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ასეთ უფლებაზე უარის თქმას;
- 7.6 ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 7.7 ხელშეკრულების ყველა დანართი წარმოადგენს ხელშეკრულების განუყოფელ ნაწილს;
- 7.8 ხელშეკრულებაში ნებისმიერი ცვლილება შეიძლება განხორციელდეს მხარეთა შეთანხმებით, მხოლოდ წერილობითი ფორმით;
- 7.9 მხარეთა შორის ამ ხელშეკრულებიდან გამომდინარე ყველა საკითხი, დავა და ურთიერთობა რეგულირდება, განიმარტება და გადაწყდება საქართველოს კანონმდებლობის შესაბამისად;
- 7.10 ხელშეკრულებიდან გამომდინარე დავები წყდება მხარეთა ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ საქართველოს სასამართლოს;
- 7.11 ხელშეკრულება ძალაში შედის ხელმოწერის დღიდან და მოქმედებს მხარეების მიერ ნაკისრი ვალდებულებების სრულად შესრულებამდე;
- 7.12 ხელშეკრულება შედგენილია ქართულ ენაზე, 2 (ორი) თანაბარი ძალის მქონე ვერსიონად და გადაეცემათ მხარეებს.

8. მხარეთა საბანკო რეკვიზიტები და ხელმოწერები:

ბენეფიციარი:	სააგენტო:
---------------------	------------------

<p>----- ----- მისამართი:----- ბანკი: ----- ბანკის კოდი: ----- ა/ა: ----- ----- -----</p>	<p>ა(ა)იპ „სოფლის მეურნეობის პროექტების მართვის სააგენტო“ ს/კ 404923785 მისამართი: ქ. თბილისი, მარშალ გელოვანის 6 ელ. ფოსტა: contact@apma.ge საქართველოს ხაზინის ერთიანი ანგარიში კოდი: TRESGE22 ----- დირექტორის მოადგილე</p>
--	--